

仁合賀_引四

爾時世尊說此呪時諸天宮殿一切大地山川林野須彌山等六種震動大海涌沸魔王愁怖合掌歸依三世諸佛一切菩薩施我無畏我及眷屬誓護佛法爾時世尊說是法已一切菩薩及諸天人聞佛所說信受奉行

諸佛心印陀羅尼經

大乘寶月童子問法經

宋西天三藏朝散大夫試鴻臚少卿傳法大師施護奉詔譯

如是我聞一時佛在王舍城鷲峯山中與大苾芻衆五萬五千俱胝一心行菩提行無能勝菩薩等八萬百千無數俱胝那更多諸天人等百千那更多爾時世尊於其食時著衣持鉢與苾芻衆并諸菩薩天龍神等恭敬圍遶入王舍大城於彼乞食是時頻婆娑羅王子名寶月童子因爲事故乘大龍象出王舍大城遙見世尊即下龍象而詣佛所到已致

則九

十一

敬頭面禮足住立一面寶月童子白佛言如來應供正等正覺惟願世尊說彼十方如來所有名號若有信心善男子善女人聞是名已所有五逆等罪及一切業障悉皆消除於無上正等正覺速得不退爾時世尊告寶月童子言善哉善哉汝能樂聞如來名號之義此意賢善一切罪業決定消除童子汝今諦聽善思念之我爲汝說童子過於東方百千俱胝那更多恒河沙等佛刹彼有世界名曰無憂彼有如來名賢吉祥應供正等正覺少

病少惱乃至爲諸衆生恒說妙法彼佛壽命六萬百千俱胝那更多無數劫彼世界中無其日月晝夜惟有佛光普照一切及照地獄旁生琰魔羅界一切衆生令得解脫無量衆生得無生法忍佛言童子南方過百千俱胝那更多恒河沙等佛刹彼有世界名曰寂靜彼有如來名無邊光應供正等正覺爲諸衆生恒說妙法佛言童子西方過百千俱胝那更多恒河沙等佛刹彼有世界名曰歡喜彼有如來名喜吉祥應供正等正覺爲諸衆生

恒說妙法佛言童子北方過百千俱胝那更
多恒河沙等佛刹彼有世界名曰不動彼有
如來名曰寶幢應供正等正覺爲諸衆生恒
說妙法佛言童子東南方過百千俱胝那更
多恒河沙等佛刹彼有世界名曰正行彼有
如來名曰無憂吉祥應供正等正覺爲諸衆
生恒說妙法佛言童子西南方過百千俱胝
那更多恒河沙等佛刹彼有世界名曰寶幢
吉祥彼有如來名曰寶幢應供正等正覺爲
諸衆生恒說妙法佛言童子西北方過百千

則九

十二

俱胝那更多恒河沙等佛刹彼有世界名曰
妙聲彼有如來名吉祥華應供正等正覺爲
諸衆生恒說妙法佛言童子東北方過百千
俱胝那更多恒河沙等佛刹彼有世界名曰
安樂彼有如來名蓮華光嬉戲智應供正等
正覺爲諸衆生恒說妙法佛言童子下方過
百千俱胝那更多恒河沙等佛刹彼有世界
名曰廣大彼有如來名光明吉祥應供正等
正覺爲諸衆生恒說妙法佛言童子上方過
百千俱胝那更多恒河沙等佛刹彼有世界

名爲月光彼有如來名財吉祥應供正等正覺爲諸衆生恒說妙法童子如是一切世界佛刹皆有清淨梅檀樓閣所有如來名號若人聞已恭敬受持書寫讀誦廣爲人說所有五逆等一切罪業悉皆消除亦不墮地獄旁生琰魔羅界於無上正等正覺速得不退於

別九

十三

於佛刹成無上正等正覺之時若有衆生經刹那間至須臾之間聞我十佛名號聞已恭敬受持書寫讀誦廣爲人說所有五逆等一切罪業悉皆消除亦不墮地獄旁生琰魔羅界於無上正等正覺速得不退爾時寶月童子如是聞已而復白言世尊彼佛如來壽量云何世尊荅言彼佛壽十阿僧祇百千俱胝那更多世界微塵等劫童子聞已白佛言彼佛如來甚爲希有如是悲心發願爲諸衆生得此壽量佛言童子若有衆生聞此十佛名

號恭敬受持書寫讀誦信樂修行所有無量
無邊福德悉得具足三業之罪亦不能生童
子若有善男子善女人於恒河沙等佛刹滿
中七寶供養如來經百千歲獲福無量若善
男子善女人聞是十佛名號恭敬信受書寫
讀誦爲他解說所得福德勝前供養無量無
邊

爾時索訶世界主大梵天王帝釋天子四天
大王蘇泉麼天子大自在天子以最上栴檀
香料散世尊前而爲供養白世尊言若有衆

生於此正法書寫讀誦信解受持得一切天
人阿脩羅尊重禮拜所有地獄旁生琰魔羅
界阿脩羅身及餓鬼趣皆得解脫佛言若此
正法耳根得聞受持讀誦罪惡魔冤不能侵
害於阿耨多羅三藐三菩提速得不退爾時
世尊而說頌曰

則九

十四

持此世尊十名號 如是壽命俱胝劫

佛說功德不思議 未來成就二足尊

爾時頻婆娑羅王寶月童子白於世尊而說
伽他曰

大無畏善說 無邊無量佛 衆生最上師
我今歸命禮 如是今修學 一切佛知見
願斷於煩惱 速成於菩提
爾時童子說此頌已白世尊言我今如是所
有忍辱菩薩大智總持法門方廣之教佛菩
提行如是修學行菩提行爾時世尊復說頌
曰

若人受持佛名號 水火盜賊不能侵
毒藥刀杖王難等 一切諸苦自消除
如是速得於菩提 廣令流布佛名號

若此正法於末世時有人受持讀誦此人命
終速成佛道若以香華供養一切諸佛經多
劫時不如有人於此正法暫時書寫讀誦所
得福德無量無邊若人以最上所愛七寶滿
於一切剎土之中供養一切諸佛亦不如讀
誦此經得福則九甚多佛說此經時無量百千俱
胝那更多衆生發阿耨多羅三藐三菩提心
無量無邊衆生得無生忍不退轉於阿耨多
羅三藐三菩提佛說是語時寶月童子等皆
大歡喜作禮而退

大乘寶月童子問法經

佛說蓮華眼陀羅尼經

宋三藏朝散大夫武陽縣少卿傳法大師施護奉詔譯

曩謨引囉怛曩合怛囉合夜引野曩麼阿引
哩也合鉢納摩合你引怛囉引合野怛他引
誡多引野曩謨薩哩嚩合你嚩囉拏尾瑟迦

合鼻尼冒地薩怛嚩合野摩賀引薩怛嚩合
野怛你也合他引唵引哆囉哆囉底哩底哩
覩嚩覩嚩迦羅迦羅吉隸吉隸俱嚩俱嚩婆
囉婆囉鼻哩鼻哩部嚩部嚩曩野曩野俱嚩
俱嚩謨乞叉引合播野娑嚩引合賀引入嚩
合羅曩嚩四你合你鼻引娑嚩引合賀引薩
哩嚩合怛他引誡哆引底瑟耻合帝引娑嚩
引合賀麼麼薩哩嚩合薩怛嚩合難左娑嚩
合賀引
此蓮華眼陀羅尼若復有人於其晨朝恭敬